

SOLAT yang tidak khusyuk menyebabkan kenikmatan ibadat itu tidak dapat dirasai dengan sempurna.



BACAAN dan pergerakan solat wajar disemak dari semasa ke semasa untuk meningkatkan kualiti ibadat.

Pentingnya khusyuk dalam solat

SOLAT ialah tiang agama. Rasulullah SAW pernah bersabda yang bermaksud: "Sesungguhnya (sempadan) antara seseorang dengan syirik dan kekufturan ialah meninggalkan solat dan solat bermutu ialah solat yang dilakukan dengan penuh khusyuk."

Firman Allah dalam Surah Al-Mu'minun ayat 1 hingga 3 maksudnya: "Sesungguhnya berjaya orang-orang yang beriman iaitu mereka yang khusyuk dalam solat dan mereka yang menjauahkan diri daripada perbuatan dan perkataan sia-sia."

Walaupun khusyuk dalam solat menurut jumhur ulamak hukumnya sunat, namun ia amat dituntut agar ibadah solat itu diterima Allah. Khusyuk membawa pengertian seseorang

SOLAT yang didirikan dengan betul dapat mempengaruhi peribadi seseorang.



AL-HUDA

Bersama USTAZ DR. MOHD.
SUKKI OTHMAN
shauqi02@yahoo.com
Pensyarah Kanan UPM



menunaikan solat sepenuh tumpuan dengan hati yang hadir, tidak berpaling ke kiri dan ke kanan, mata tertumpu ke tempat sujud dan fikiran ditumpukan kepada bacaan di dalam solat.

Nabi Muhammad sangat menganjurkan kepada umatnya supaya khusyuk dalam solat. Walaupun orang yang tidak khusyuk dalam solat tidaklah membuatkan solatnya batal, namun pahala solat diberi oleh Allah SWT bergantung kepada kekhusyukan seseorang itu dalam solatnya.

Jika seseorang itu khusyuk daripada satu perdua solatnya, maka individu berkenaan mendapat pahala satu perdua sahaja daripada ibadat yang dilakukannya itu.

Solat yang didirikan dengan betul dan berkesan dapat mempengaruhi peribadi seseorang sehingga dia merasai pengawasan Allah pada seluruh ruang dan waktu dalam kehidupannya. Masalahnya, bukan sedikit orang Islam yang masih kabur mengenai makna dan hakikat solat, apatah lagi bagi kita yang buta dengan bahasa yang digunakan dalam solat.

Hal sedemikian menyebabkan kenikmatan ibadat itu tidak dapat dirasai dengan sempurna. Ada juga sesetengah orang berputus asa setelah sekian lama belajar kerana masih belum mendapatkan kepuasan solat diimpikan.

Orang yang berilmu tinggi pun tidak terlepas daripada masalah kelalaian

dalam solatnya. Justeru, ulangkaji dalam menuntut ilmu sangat penting sebagai penyegar kualiti ibadat seseorang. Walau apapun syarat khusyuk, yang paling utama ialah kemantapan iman dalam diri terhadap Allah SWT.

Sia-sia

Oleh sebab itu, berusahalah untuk mengenali Allah dan memperteguhkan keimanan kepada-Nya. Sebenarnya, khusyuk di dalam solat bermula dari khusyuk di luar solat. Jika di luar solat hati tidak khusyuk dengan Allah, memang payah untuk khusyuk di dalam solat.

Imam Al-Ghazali menyatakan bahawa orang yang tidak khusyuk solatnya, dianggap solatnya sia-sia kerana tujuan solat itu selain untuk mengingati Allah SWT, ia juga berfungsi sebagai alat pencegah daripada perbuatan keji dan mungkar.

Apabila lalai ketika menunaikan solat bererti orang tersebut tidak akan berasa gerun ketika melakukan perkara keji dan mungkar.

Solat itu merupakan munajat ialitu dialog seorang hamba kepada Tuhan. Orang bertakwa kepada Allah dan menyedari dirinya hanyalah hamba, akan patuh apa sahaja yang diperintahkan serta akan khusyuk.

Oleh itu, golongan berkenaan akan mendapat nikmat solat seperti firman Allah bermaksud: "Jadikanlah sabar dan solat sebagai penolongmu. Sesungguhnya yang demikian itu sungguh berat, kecuali bagi orang yang khusyuk (yakni) orang-orang yang meyakini, bahawa mereka akan menemui Tuhan mereka dan bahawa mereka akan kembali kepada-Nya". [Surah Al-Baqarah : ayat 45-46].